

**1. Apakah skim ini?**

Skim Insurans Kesejahteraan Rakyat (yang dahulunya dikenali sebagai Skim Insurans Keluarga Malaysia) ialah skim takaful berkelompok dan patuh Syariah yang menyediakan manfaat sekaligus sekiranya berlaku kematian akibat sebab semula jadi atau akibat kemalangan, serta menyediakan manfaat sekaligus sekiranya anda mengalami Hilang Upaya Kekal dan Menyeluruh (TPD) disebabkan sebarang sebab.

Skim ini adalah percuma dan ia ditawarkan kepada Ketua Isi Rumah (KIR) miskin tegar dan miskin yang layak dan terpilih di bawah pangkalan data eKasih yang dikendalikan oleh Unit Penyelarasaran Pelaksanaan, Jabatan Perdana Menteri (ICU JPM).

Skim Insurans Kesejahteraan Rakyat menawarkan perlindungan untuk tempoh dua belas (12) bulan dari tarikh sijil berkuatkuasa Ahli yang Dilindungi. Ia diuruskan secara eksklusif oleh PruBSN Takaful Berhad (PruBSN).

**2. Apakah konsep Shariah yang berkenaan?**

• *Ta'awun:*

Persetujuan untuk saling membantu berdasarkan prinsip kesamarataan dan kesatuan yang melibatkan kepentingan dan manfaat bersama. Takaful adalah berdasarkan konsep *Ta'awun* seperti yang ditakrifkan di bawah Akta Perkhidmatan Kewangan Islam 2013 yang bermaksud suatu persetujuan yang berdasarkan kepada pertolongan bersama di mana peserta-peserta takaful bersetuju untuk menyumbang ke dalam suatu dana yang akan memberi manfaat kewangan yang akan dibayar kepada peserta-peserta takaful atau kepada waris mereka sekiranya berlaku perkara-perkara yang telah dipersetujui terlebih dahulu. Berdasarkan perkara di atas, sumbangan yang akan dimasukkan dan dikumpulkan ke dalam dana bersama iaitu Dana *Tabarru'* (dana yang dimiliki secara kolektif oleh peserta) adalah *Tabarru'at* (kebajikan) secara alami.

• *Wakah bi al-ujrah:*

Persetujuan di mana PruBSN dilantik untuk menguruskan perkhidmatan keseluruhan yang disediakan di bawah sijil anda. Kami akan mengambil sebahagian daripada sumbangan anda sebagai upah untuk perkhidmatan ini, yang mana termasuk caj berkaitan pengagihan.

**3. Apakah perlindungan/manfaat- manfaat yang disediakan?**

• **Manfaat Kematian**

Suatu amanu sekaligus akan dibayar sekiranya Ahli yang Dilindungi meninggal dunia secara semulajadi atau kemalangan sepanjang tempoh perlindungan. Perlindungan di bawah skim akan ditamatkan apabila sebarang manfaat di bawah skim telah dibayar.

• **Manfaat Hilang Upaya Kekal dan Menyeluruh (TPD)**

Suatu amanu sekaligus akan dibayar sekiranya Ahli yang Dilindungi mengalami Hilang Upaya Kekal dan Memiseluruh (TPD) disebabkan oleh sebarang sebab, sepanjang tempoh perlindungan. Perlindungan di bawah skim akan ditamatkan apabila sebarang manfaat di bawah skim telah dibayar.

Berikut adalah butiran amanu manfaat:

Manfaat-manfaat	Jumlah yang Dilindungi (RM)
Manfaat Kematian secara Semulajadi	10,500
Manfaat Kematian akibat Kemalangan	25,500
Manfaat Hilang Upaya Kekal dan Menyeluruh	10,500

Skim ini menawarkan perlindungan untuk tempoh dua belas (12) bulan.

**4. Berapakah sumbangan yang harus dibayar?**

Skim Insurans Kesejahteraan Rakyat ini ditawarkan secara percuma dengan sumbangan ditaja oleh Kerajaan Malaysia kepada Ketua Isi Rumah (KIR) miskin tegar dan miskin yang layak dan berdaftar dengan eKasih. Tiada bayaran sumbangan perlu dibuat sekiranya anda terpilih menyertai skim ini.

**5. Apakah terma dan syarat utama yang perlu diketahui?**

- Penamaan** – Anda dinasihatkan supaya menamakan penama (-penama) untuk sijil takaful bagi memastikan penyelesaian tuntutan yang lancar. Anda juga harus memastikan bahawa penama(-penama) mengetahui tentang sijil yang telah anda ambil.
- Tuntutan** – Sila rujuk kepada Ringkasan Sijil Induk untuk memahami dengan lebih lanjut mengenai prosedur tuntutan.

**Nota:** Senarai ini adalah tidak lengkap. Sila rujuk kepada Ringkasan Sijil Induk untuk terma-terma dan syarat-syarat di bawah skim ini.

**6. Apakah pengecualian- pengecualian utama di bawah skim ini?**

**Manfaat Kematian secara Semulajadi**

PruBSN tidak akan membayar Manfaat Kematian secara Semulajadi sekiranya kematian adalah secara langsung atau tidak langsung disebabkan oleh bunuh diri semasa waras atau tidak waras.

**Manfaat Kematian akibat Kemalangan**

PruBSN tidak akan membayar Manfaat Kematian akibat Kemalangan sekiranya kematian Ahli yang Dilindungi adalah disebabkan secara langsung atau tidak langsung oleh:

- (a) cubaan membunuh diri atau kecederaan yang dilakukan sendiri sama ada semasa waras atau tidak waras; atau
- (b) perperangan, penaklukan, tindakan musuh asing, perrusuhan (sama ada perperangan diisyiharkan atau tidak), perang saudara, pemberontakan, revolusi, kebangkitan, rampasan kuasa, penglibatan secara langsung dalam rusuhan, mogok atau kekacauan awam; atau
- (c) penglibatan atau mengambil bahagian dalam aktiviti sukan profesional, penyelaman skuba, sebarang jenis perlumbaan, penerbangan udara (termasuk penerjunan lelabah, geluncur angin, menaiki belon panas, pernjerunan payung terjun dan penerjunan udara) selain daripada sebagai anak kapal atau sebagai penumpang yang membayar tambang, di atas kapal terbang komersial berlesen yang membawa penumpang dan beroperasi secara berjadual mengikut laluan biasa, atau sebarang aktiviti atau sukan merbahaya, melainkan pihak kami memberi persetujuan melalui endorsean khas; atau
- (d) kemabukan alkohol atau dadah; atau
- (e) cubaan melanggar sebarang undang-undang atau menentang penahanan; atau
- (f) mengambil dadah atau narkotik selain daripada yang ditetapkan oleh Doktor atau Pakar Perubatan yang berkelayakan; atau
- (g) kehamilan, kehamilan sekarang dan sebelumnya (dan komplikasi berkaitan), melahirkan anak (termasuk kelahiran secara pembedahan dan apa juga pembedahan atau prosedur bukan pembedahan ke atas sistem peranakan wanita ketika pembedahan untuk kelahiran), keguguran, menggugurkan kandungan dan jagaan serta pembedahan pranatal atau postnatum, kaedah kawalan kelahiran kontraseptif mekanikal atau kimia, rawatan berkaitan ketaksuburan termasuk disfungsi erektil dan ujian atau rawatan berkaitan impoten atau pensterilan.

**Manfaat Hilang Upaya Kekal dan Menyeluruh (TPD)**

PruBSN tidak akan membayar Manfaat Hilang Upaya Kekal dan Menyeluruh sekiranya hilang upaya kekal dan menyeluruh Ahli yang Dilindungi secara langsung atau tidak langsung disebabkan oleh:

- (a) membunuh diri atau kecederaan yang dilakukan sendiri semasa waras atau tidak waras; atau
- (b) perperangan atau tindakan agresif, termasuk penaklukan, tindakan keganasan negara asing, musuh luar (sama ada perang diisyiharkan atau tidak), perang saudara, pemberontakan, revolusi, rusuhan, campur tangan ketenteraan atau rampasan kuasa; atau
- (c) sebarang penglibatan dalam aktiviti sukan profesional, penyelaman skuba, sebarang jenis perlumbaan, penerbangan udara selain daripada sebagai anak kapal atau sebagai penumpang yang membayar tambang, di atas kapal terbang komersial berlesen yang membawa penumpang dan beroperasi secara berjadual mengikut laluan biasa, atau sebarang aktiviti atau sukan merbahaya (termasuk penerjunan lelabah, geluncur angin, menaiki belon panas, pernjerunan payung terjun dan penerjunan udara); atau
- (d) sebarang penyalhgunaan alkohol, narkotik, dadah atau stimulator dan sebarang komplikasi yang timbul akibat penyalhgunaan tersebut; atau
- (e) melakukan kesalahan jenayah atau percubaan untuk melakukan kesalahan jenayah; atau
- (f) sebarang Keadaan yang Sedia Ada.

**7. Apa yang perlu dilakukan sekiranya terdapat perubahan pada alamat surat-menyurat?**

Adalah penting untuk Ahli yang Dilindungi memaklumkan kepada PruBSN sekiranya terdapat sebarang perubahan pada alamat surat-menyurat bagi memastikan segala surat-menyurat akan sampai tepat pada waktunya.

**8. Di mana untuk mendapatkan maklumat lanjut?**

Sekiranya Ahli yang Dilindungi mempunyai sebarang pertanyaan atau memerlukan maklumat lanjut mengenai takaful keluarga, sila hubungi PruBSN di:

**Prudential BSN Takaful Berhad 200601020898 (740651-H)**

Aras 13, Menara Prudential,

Persiaran TRX Barat,

55188 Tun Razak Exchange,

Kuala Lumpur.

Tel: **03 2775 7188**

E-mel: [SIKR@prubsn.com.my](mailto:SIKR@prubsn.com.my)

Anda boleh lawati laman web kami di [www.prubsn.com.my](http://www.prubsn.com.my)

Prudential BSN Takaful Berhad adalah Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

**9. Lain-lain perlindungan takaful keluarga yang ditawarkan:**

Sila hubungi PrubSN untuk mengetahui mengenai jenis-jenis perlindungan takaful lain yang ditawarkan.

**NOTA PENTING:**

**ANDA HARUS MEMBACA DAN MEMAHAMI SEPENUHNYA SEMUA MAKLUMAT MENGENAI MANFAAT-MANFAAT DAN TERMA-TERMA YANG TERKANDUNG DI DALAM LAMPIRAN KETERANGAN PRODUK INI. ANDA BOLEH MENGHUBUNGI TERUS PRUBSN SEKIRANYA ANDA INGINKAN MAKLUMAT LANJUT.**

**Manfaat-manfaat yang dibayar di bawah sijil yang layak adalah dilindungi oleh Perbadanan Insurans Deposit Malaysia (“PIDM”) sehingga had perlindungan. Sila rujuk Brosur Sistem Perlindungan Manfaat Takaful dan Insurans (“TIPS”) PIDM atau hubungi Prudential BSN Takaful Berhad atau PIDM (layari [www.pidm.gov.my](http://www.pidm.gov.my)).**

Maklumat yang dibekalkan di dalam lampiran keterangan ini adalah sah pada 1 Jun 2024.

Disediakan oleh: Prudential BSN Takaful Berhad

Tarikh: 1 Jun 2024

Versi: Skim Insurans Kesejahteraan Rakyat